


八十四



世家卷第二十九

高麗史二十九

正憲大夫工曹判書集賢殿大提學知經筵春秋館事兼成均大司成臣鄭麟趾奉教修



忠烈王二

己卯五年春正月王在元 辛亥帝賜王上采寶器鳳瓶

庚玉笛等九十事翼日又賜王及從臣彩帛乙卯宰樞

宣 享公主 校尉李應柱康渭成賈頌曆詔遷自元詔
曰朕若稽天象敬授人時所以大一統重民事也卿

世守藩方歲修貢職空頒新朔用示同文尚驅東作

之民勉率西成之効 丙寅王謁帝、使御史大夫

月列倫樞密掌刺必閣赤忽禿哥兒閣兀等諭王曰

忻都茶丘奏鎮邊種田軍回來時妻子皆為官司所
留不遣是否王對曰去夏奉聖旨歸國差官與帥府
考官軍妻妾婚書有無依例點刷非敢擅番 丁卯
王侍宴長朝殿 戊辰王謁帝茶丘以軍人妻子一
百二十八人為請茶丘子為孛剌執鞭之豎孛剌頗
佑茶丘王曰若以分揀軍人妻子為不法縱軍人迫
脅良民子女強娶之可為法乎月列倫等奏之帝曰
軍人妻有兒息者歸其夫國人官高有罪者申奏而
後罪之因命王歸國 公主幸新宮勞後使 己巳
遣盧英歸國命毋以迎待煩民 庚午王發燕京
二月丁亥至自元 己丑遣少尹趙愉於東寧府推

刷己未以來西海之民亡命者

辛卯王放鷹於壽

康宮

甲辰慶源公祚卒

丙午

以金方慶為世子

傳許珙知僉議府事洪子籓判密直事韓康為密直
使竒洪碩全知密直事監察提憲任翊宋玠李尊庇
並為密直副使 三月庚戌親醮於康安殿 撤竹
坂洞人家三百餘戶以起新宮後徒凡四千 甲寅
遣即將殷弘淳如元獻花文大席 丁巳遣帶方公
激率禿魯花如元金方慶子忻元傳子貞朴恒子元
滋許珙子評洪子籓子順韓康子射竒薛公儉子之
冲李尊庇子瑤金周鼎子深等衣冠子弟凡二十五
人皆超三等授職送之 己未以尹秀為全羅道鷹

坊使遣元卿於慶尚李貞於忠清朴義於西海稱為
王旨使用別監 壬戌王及公主親獵於馬堤山
丙寅教曰予聞人有怙權昧理擅奪人田民者又有
托勢得官超資越序者甚無謂也脫或不改非惟其
人所托附者亦皆罪之其含冤抱屈者無論貴賤尊
卑宜各上書駕前聽訟官遷延不決必罰無貫 丁
卯王及公主移御壽康宮 庚午忽赤三番享王
辛未停各道計点使 壬申王獵于郊 癸酉王以
田民之訟積年未決將今年三月以前事命左司議
權胆將軍崔有濟等七人為別監四月以後委監察
典法司推決無滯 傳旨都評議司曰可遣使諸道

檢察往年三稅納否戶口增耗自今年更定稅額并
點鹽戶以徵其稅宰樞以謂三稅納否各有司存察
戶口增耗非農時所行遂停之 夏四月戊寅王與
公主放鵝鴨於東川觀之 辛卯傳旨曰安東公主
湯沐邑也副使宋由義其帶紅鞋之任由義以三品
求美邑又請紅鞋時議譏之 乙未遣王子滋於忠
清道牙州東深寺避世子也 辛丑遣中郎將鄭公
宋賢如元請置伊里干 癸卯王有疾放新宮後徒
修諸陵 甲辰移御舍耶寺乙巳以早宥二罪以下
丙午移御賢聖寺復新宮後徒 五月丙辰王與公
主觀竹坂新闕 丙寅流監察侍史金弘美左司諫

李行儉於海島 丁卯用樂祀新殿驚瓦 戊辰以
公主有疾移御將軍李貞家又移御水口觀音寺
庚午放新宮後徒 辛未遣將軍盧英如元醫
是月元中書省牒云據來文至元十二年使臣嶽都
都因王外郎傳諭聖旨改革本國名色與使臣嶽都
因商量改革訖諸路官司往來文字指僉議府而本
府緣無印信每及行移勢似難便伏希給降印信并
行移諸路文字体式事都省奏奉聖旨鑄與印信者
欽此送禮部依例鑄到高麗僉議府正四品銅印一
顆付於差來官鄭貴朱碩等收受前去 六月丁丑
朔罷左司議大夫權胆晉州牧副使崔昱 庚辰移

御張舜龍家

甲申改敬寧宮為貞和院

丁亥賜

趙簡等及第

辛丑盧英與醫二人還自元東征元

帥府承省旨令造戰艦九百艘

癸卯王與公主移

御壽康宮

都評議使據聖旨請於瀋州遼陽間置

伊里干徙諸道富民二百戶居之又於鴨綠江內置

伊里干二所各一百戶以供朝聘後使從之 秋

八月丙午朔召還李行儉金弘美 戊申慶尚道按

廉使奏長史趙旣嘗為一善縣令與密城人謀叛今

雖革面不可使立於朝請罷職從之 乙酉遣承旨

趙仁規仰候如元奏稟修造戰艦 乙卯除各道按

廉守令賀正至及到界狀 庚午遣密直副使李尊

庇將軍鄭仁娜如元賀聖節仍上書都堂曰前次趙仁規等由啟修造船楫事并請勿令元帥府監督元帥茶丘與我有隙百姓皆怨若使監督民必驚疑逃散未易濟事乞善奏天聰 八月丙子朔王與公主宴於新殿 丁丑還御壽康宮 辛丑將軍金伯均與元使金宗義如慶尚道點軍器 是月作客館稍工上左引海一冲等四人自日本逃還言至元十二年帝遣使日本我令舌人即將徐贊及梢水三十人送至其國使者及贊等皆見殺王遣即將池瑄押上左等如元以奏 九月丙午王放鷹於甌山 巳酉宴於新殿 癸丑遣許珙於慶尚道洪子藩於全

羅道為都指揮使修造戰艦又遣權坦於忠清為都指揮使朱悅於慶尚郭汝弼於全羅禹濬冲於西海崔有侯於東界交州皆為計點使 丙辰遣將軍金允富張舜龍如元 甲子放鷹於籍田 中郎將鄭公還自元帝賜王海青圓牌 乙丑王放鷹於猫串 二日 戊辰移御將軍張舜龍家 甲戌以世子誕辰宴於新殿 冬十月丁丑飯僧五百於新宮 元遣弓丹赤塔納必閣赤哈伯那來督修戰艦 戊寅宴元使於新殿二使拜於階前 巳卯元遣樊閔來點視站驛 辛巳王獵於南郊獲鹿一獐二兔謂康允紹李之氏曰夫獵馳騁從禽宜視險若夷汝等擇

地而行安能多獲自今可數獵以閑習之 壬午木
匠提領宴王於新殿 癸未遣廣平公諱偕塔納哈
伯那監督戰艦於慶尚全羅道 己丑親設消災道
場於木闕 寅辰王獵於桃源驛 甲午移御沙坂
宮 戊戌遣中郎將鄭福均如元獻人參 己亥元
遣即哥歹送馬百五十匹令放水內又令揀卿馬以
進 庚子諸回宴王於新殿 辛丑幸王輪寺
壬寅親設消災道場於新殿 十一月丙午幸賢聖
寺 戊申宴郎哥歹於新殿 癸丑火星食月命宰
樞臺省論時政得失令於實封皆不書名以進是日
放造成後徒 癸亥濟州達魯花赤享王 乙丑王

獵於普賢院 辛未召見忠清西海計点使咨問王
瘡 壬申收還諸臣受賜官奴婢屬都宮 康允紹
金子廷詐稱賜牌多占土田沒入新興倉 命選州
郡倡妓有色藝者充教坊 十二月甲戌朔遣大將
軍俞洪慎少尹金光就如元賀正 辛卯以許珙同
修國史薛公儉知密直司事宋玠李尊庇並同知密
直司事朴球為密直副使金伯鈞禹濬冲並為三司
使流監蔡侍丞崔有滄於太青島尋召還 庚辰六
年春正月甲辰罷朱悅郭汝弼 己酉以星文屢變
宥二罪以下 癸丑移御本闕 庚申遣大將軍卞
侯將軍高天伯與塔納如元 壬戌王與公主賞東

池遂幸觀音寺 乙丑以德泉寺住持益藏擊殺永
春縣吏又與妓玉真通流於海島益藏元宗寵姬子
也 丙寅忽赤享王於新殿 己巳遣親從將軍朴
延中郎將李仁於東寧府推劂夫匠 二月癸酉朔
忽赤享王乙亥又宴 己卯遣校尉鄭之演如元獻
環刀三百七十八把 庚辰郎哥歹享王 壬午鷹
坊享王哈八那郎歹哥等諸客使皆赴 丙戌命中
郎將柳路搜大府財貨入內 戊子移御壽康宮
乙未還御沙坂宮 丙申密直副使李尊庇偕哈伯
那視戰艦於全羅道 戊戌王與公主如元化寺命
承旨廉承益作佛殿 三月壬寅朔大將軍印侯將

軍高天伯與塔納還自元塔納至臣嶺站笈津等數
縣當供晝食有人告塔納曰吾邑之民盡隸鷹坊子
遺貧民何以供億欲還朱記於國家諒死而已塔納
來責宰相曰東民獨非天子之赤子乎困苦至此而
不之恤朝廷馳一使以問何辭以對宰相白王請去
鷹坊之契王怒欲請回之見信於帝者以來分管
諸道鷹坊抑令宰相不敢復言趙仁規力諫而公主
亦言不可乃止 癸卯召檢校大將軍吳光札拜為
明仁殿侍衛將軍賜紅鞋光札年八十九居同福縣
其子僧祖英有寵故有是命 甲辰輟西海道己卯
年轉米賜臣嶺道各站以供郎哥歹又以支宮室戰

艦鐵價及夫匠糧 戊申親醮三界於本闕 庚戌
諸王宰樞享王於新殿召柳璣皇甫琦崔瑛宋松禮
邊胤等致仕宰樞侍宴 壬子監察司言頃在江都
貢賦粗足今左右倉之入頓減而又致大坊厨外漆
色鞮色阿閣赤等各所賜食皆仰給右倉請除之且
修宮室今已三載而兩班無僕隸者只賣祿牌雇傭
赴役或有躬自執役者亦請除之以俟農隙又諸道
按廉使別監職在察理治問民苦今皆籍上供斂民
細紵皮幣脯果名表紙等物賂遺權貴請皆理罪王
只許除名表紙 乙卯監察司上言論時事王大怒
鞫侍史沈錫於崇文館流雜端陳侗侍史文應於海

島罷殿中郎侍史李承休以將軍金鎰為侍丞郎將
禹天錫為雜端佐郎閔萱為侍史前廣州判官李仁
挺祇候閔漬為殿中侍史 丙辰幸本闕設藏經道
場見殿後杜鵑花盛開題四韻詩一篇令詞臣白文
節潘阜郭預閔漬等十八人和進文節等進言請宥
沈錫之罪即命釋之尋又釋侗應等 戊午元遣蠻
子海牙來帝勅禁郡國舍匿亡軍回 恣行屠宰
辛酉下旨曰今之儒士唯習科舉之文未有博通經
史者其令通一經一史已上者教授國子乃以司宰
尹金磬正郎崔雍左司諫方維前通事舍人柳沈權
知祇候薛調前祇候李郤吳漢卿為經史教授 戊

辰將軍曹允通還自元中書省許復設談禪法會
夏四月癸未隕霜殺禾苗甲申亦如之 丙戌遣中
郎將簡有之如元平章阿哈馬求美女弘圓寺真殿
直張仁同請以其女行有之押去於是除仁同郎將
時人譏其賣女得官阿哈馬以其非名族不受 庚
寅王與公主幸吉祥寺觀朴淵 遣中郎將池瑄於
東寧府問發掘先代君王陵墓 辛卯王與公主至
新宮匠者白曰後徒三年不得一日之息妻兒何以
為生今當農時乞且放歸不聽 癸巳以旱甚禁人
扇笠 乙未賜李伯琪等及第以旱不賜花 巷市
五月癸卯以詩賦親賜試文臣取書籍店錄事趙

簡等九人賜黃牌籍內侍 倭賊入固城漆浦擄漁
者而去遣大將軍韓希愈防守海道又選忽赤巡馬
諸領府等二百人分守于慶尚全羅道倭賊又寇合
浦擄漁者二人以歸乃遣大將軍印侯郎將池瑄告
於元 乙巳命忽赤擊毬王與公主御涼樓觀之
壬子雨雹聚盲僧禱雨 癸亥雨 乙丑王與公主
如玄化寺 丙寅召文臣及殿試及第示所製四韻
詩令刻燭和進左司議潘阜待制郭預趾與後輩全
賦為左右所迫不得已亦進焉 甲戌柳庇還自元
帝勅以本國軍卒防禦倭賊 是月旱蝗元中書省
牒加糴米一萬石 六月乙卯郎將池瑄還自元言

蠻子海牙非朝廷所遣當押送京師 辛巳新宮成
號曰膺慶樓曰寒碧門曰泰通 遣將軍朴義如元
獻鷓子 秋七月癸卯移御承旨廉承益第 遣將
軍元卿如元 丙午僉議中贊金方慶上章乞退遣
承旨鄭可臣敦諭起之 辛亥將軍朴義還自元帝
勅王親朝 甲子移御沙坂宮 乙丑以西海道計
點使禹濬冲為都指揮使 丙寅遣密直副使金周
鼎如元賀聖節 丁卯中書省牒云雙城民戶除將
韓信等三戶分付訖外德光等六戶緣双城勒留在
前宴帖兒元斲并差官魏文愷與本國全戶三十隻
身男女四十二名放歸而後分付德光等事都省准

此除前項戶計劄付開元等路宣慰使行下双城照
勘呈省外合行移牒請照驗即將德光等六戶分付
施行 八月辛未王以將如元且天變屢彰宥二罪
已下 王如元 癸酉元卿自元賁省旨來令耽羅
達魯花赤自以其鐵匠修戰艦 丙子元流皇子愛
牙赤於大青島 癸未王次昌義縣永寧公率二子
來謁 辛卯公主宴愛牙赤於新殿 王至上都時
帝在閣干那兀王遂如行在乙未謁帝：宴王仍命
從臣赴宴先是王使朴義奏曰東征之事臣請入朝
稟旨帝許之忻都茶丘范文虎皆先受命茶丘曰臣
若不舉日本何面目復見陛下于是約束曰茶丘忻

都率蒙麗漢四萬軍發合浦范文虎率蠻軍十萬發
江南俱會日本一歧島兩軍畢集直抵日本破之必
矣王以七事請一以我軍鎮戍耽羅者補東征之師
二減麗漢軍使閩里帖木兒益發蒙軍以進三勿加
洪茶丘職任待其成功賞之且令閩里帖木兒與臣
管征東省事四小國軍官皆賜牌面五漢地濱海之
人并充梢工水手六遣按察使廉問百姓疾苦七臣
躬至合浦閱送軍馬帝曰已領所奏 戊戌勅王還
國丞相安童毋獻良馬一匹 九月己酉王至北京
康守衡享王於其第有同知宋貞儒者也王示以所
製九日詩二篇 丙辰閩里帖木兒迎王於路獻馬

三匹 征東元帥府鎮撫也速達賈二閩字來其一
奉聖旨委忻都茶丘范右丞相左丞征收日本行中
書省事即日軍馬調度據本國見管糧儲船隻梢工
水手一切軍須請照驗行下合屬如法準備聽候區
用勿值臨時失誤其二經行去處竊恐不畏公法之
人放火烧州事係利害請照驗行下合屬出榜禁約
如違罪有所歸 丙寅王至自元入御沙坂宮 丁
卯元遣也速達崔仁著以水韃鞬之處開元北京遼
陽路者移置東寧府使之將赴征東 冬十月辛未
點閱京外兵 丁亥令各道指揮使罷判官錄事唯
留都評議錄事 戊子令宮人奏樂笙簫歌吹之聲

聞於外國人以東征故皆有感額之嗟己丑監察司
檢諸司勤怠謂之衙時監檢常以冬夏五月行之
以外方多故除入關正至賀表 庚寅王獵於馬堤
山 丁酉征東行省遣者毛兒闌備糧餉軍器僉發
士卒差定頭目 戊戌中贄金方慶復請老不允是
月元行中書省移牒征東軍事牒曰欽奉聖旨征收
日本國會驗至元十五年奉到樞密院劄付先為軍
前多有逃亡事故歇役軍人奏奉聖旨差官與各路
奧魯官吏一同磨勘其間若有欺蔽隱匿定到奧魯
官吏罪名罷職斷沒人口財產如此嚴切起補本院
照得前項逃亡事故歇役軍多者蓋為渡江已來分

調軍馬諸處征進其管軍頭目為不係親管軍人不
肯用心撫恤將強富者指作合必赤拔都兒為名常
川占破另委頭目管領不當軍中差使親管頭目却
無軍管遇有出征巡哨一切工役止領其餘軍人應
當迤漸靠損或出軍時得到些小討虜又以指名抽
分拘收軍中科收錢物軍人好馬軍官假借強換剋
減軍馬糧料不顧軍人飢寒官司上役頻併不度軍
力難易軍病不醫稍似痊愈便當重難差使勞役身
死器甲什物損毀並不預先照勘遇有勾當統方勒
軍借債補買如此情弊多端以致逃亡歇役軍前失
誤調用奧魯內起補致令奧魯官吏因而作弊

不安此係管軍官吏之過若不禁約切恐起補
發到軍前循習旧弊依前指名占破不肯用心存恤
又以臨通逃亡再來與魯內勾補轉致損壞軍戶為
此聞奏過頒降到聖旨宣諭行省行院都元帥各衛
指揮使招討萬戶以下大小管軍官首領官鎮撫人
等交樞密院通行條畫禁治更交提刑按察司官常
切用心体究仰樞密院同行省行院將軍官所行公
事考校功過明白奏聞定奪賞罰本省參詳即日相
近出征若不預先省諭軍官軍人臨期失誤枉負罪
責今將元降聖旨全文抄錄在前并樞密院定到條
畫開坐請照驗欵依所奉聖旨事意及照依樞密院

條畫區處更為行下合屬於軍人屯住去處常切明
白開讀嚴功省諭施行一管軍官將所管軍人選揀
親丁好漢一名常要數足閱習武藝慣熟教練陣勢
進退法度各要精銳不許雇名驅丁軟弱之人當役
所據練定好軍無得私下交換及不得因梯已勾當
虛作別名放軍還家若有輪定必合交換者令管總
司當官相驗堪充軍者方許替換總司給引放令還
家合替軍未經相視一面無引逃走者便同逃軍在
下軍官鎮撫不得一面給引替換侍衛親軍不拘此
例如不測差官點覷得軍人少數或有雇名驅口軟
弱之人定須究理一大小官員人等所占合必赤

拔都兒軍人屯住去處不合常川占破聖旨到日盡
數發付本翼親管頭目管領與其餘軍人一處通行
輪當係官差役如遇出軍必用合必赤拔都兒者至
日驗各翼軍數選行摘撥回日依旧各歸本翼今後
大小官員屯守去處並不得依前常川占破合必赤
拔都兒靠損其餘軍人遇夜止於守城軍內輪差守
宿委官管領以備勾當亦不得私使軍人工役營運
及不得將管軍官員占管定司招收民戶等勾當新
附軍人但請糧者亦依此例軍官合必赤人數襄陽
府時行省已有定到各設數目除此人數外不得多
占一出軍時軍人討虜得到人口頭匹一切諸物各

自為主本管頭目人等並不指名拘收亦不得擺換
罪名逼赫取要一軍人馬匹軍官不得假借換要及
不得勾當差使軍人馬匹致有瘦弱倒死勒令軍人
借債補買生受一軍前若有患病軍人隨令手高醫
工對證用藥看理各翼選好人服侍仍仰本翼額設
首領官不妨本職專一司病看理病軍將養復元方
許輪當差使逐旋具數開呈本翼若較考時驗病死
軍人多寡定奪司病官賞罰施行一軍人對陣相殺
就陣亡沒者仰本管頭目從實供報保結呈復依例
給賞本戶軍役擬依舊存恤一年若病死者亦以存
恤半年限外勾起戶下其次人了補役一攻城野戰

但遇敵人對陣相殺者將委實向前出力獲功頭目
軍人對衆推詳明白端的從把軍官開坐花名獲功
實跡保定行省行院依例保奏給降官賞慢功者亦
對指證是寔取勒無詞招伏申上定斷無得中間看
循恩讎虛申功過引惹違錯一每千戶選揀信實錢
糧官二員遇有官給犒賞委令閑走對衆給散本管
頭目人等不得中間剋減若有差出事故軍人仰將
關到錢物官為知數收貯本軍回日給付身故者發
付家屬無致侵使隱匿一軍馬糧料若遇閑走亦令
已委信實錢糧官管領閑走不得剋減如有身故軍
糧倒死馬料食用不盡者見在數目却行回納或差

出軍馬糧料收預候回日給付或令次月請糧軍人
就用無致私下破費一衣甲器仗軍需什物預為點
視足備聽候不測用度無致臨時缺少才方督逼軍
人逐急借債補買以致多出利息生受一既軍中無
擾却有在逃軍人仰本管軍官隨即申覆上司行移
所屬與魯官司差人前去約會一同根捉須要得獲
元逃正身取問是實就軍前照依見降聖旨定到罪
名對衆施行如與魯官并坊里正鄉司隣佑人等知
情推調不拿元逃正軍者依已定罪名斷違若軍官
私下一面差官於與魯內起補逃亡事故軍者仰與
魯官欽依聖旨事意開坐軍官姓名申院以憑取問

一軍馬屯守去處須管於軍管內各千戶百戶牌字
一處屯住總把官員係官廨宇屋止不得於街坊占
奪新附官民宅舍四散安下欺壓新附民戶一省諭
官軍：人據好投拜官民宅舍店鋪莊產田地花果
松竹菜菌一切林木不得強行占奪如此占者歸附
本主及不得劫毀人家墳墓一軍官軍人於新附州
城不得扶勢強娶他人妻女如和娶者或有親屬隨
從人口或有典雇人等不得典賣為聘嫁一管軍官
員嚴加禁治各管軍馬屯住并出征經過去處除近
裏地面先有聖旨禁治外但係新附地面不得收放
頭匹踏踐百姓田禾咽咬花果桑柰及不得於百姓

之家取酒食宰殺猪雞鴨刀奪百姓一切諸物一
省諭管官吏衆軍人等據茶鹽酒稅麴一切應禁之
物無致違犯若有違犯者除正犯人依條究治外本
管頭目有失鈐束者亦行罪斷一軍官人等不得於
軍人處擅科取要分文錢數頭匹一切諸物又牒曰
欽奉聖旨條畫內一款節該大官員人等所占合必
赤拔都兒軍人屯守去處不合常川占破聖旨到日
盡數發付本翼親管頭目管領與其餘軍人一處通
行輪當係官差役如遇出軍必用合必赤拔都軍人
者至日驗各翼軍數旋搭撥回日依舊各歸各翼今
後大小官員屯守去處並不得依前常川占破合必

赤拔都兒靠損其餘軍人即日照得相近出征日期
本省擬議到下項各翼管軍官吏額設必赤拔都兒
軍人自萬戶以下管軍總管并千戶總把官員如是
各管軍人迭數依額差占者若有軍數不敷減半占
用已後管軍官員各不依元定額設數目多餘占使
出征軍人如是官司察知或諸人首告得實自元帥
萬戶總管取招移咨省院聞奏定奪外據以下千戶
總把百戶等官負但有違犯就便革任如首告人有
職役者陞加名分散軍隨即任用據此須合開坐移
牒請照驗早為行下管軍官員依上施行官員都元
帥一百名左右副元帥八十名使萬戶五十戶副萬

戶四十名總管所管軍一千名額設合必赤軍總管
二十名副總管一十名千戶所管軍五百名額設合
必赤軍千戶一十名副千戶五名總把所管軍二百
名額設合必赤軍四名百戶額設合必赤軍二名元
帥府首領官經歷一員七名知事一員四名令史五
員各三名譯史占三名通事占三名知印占三名鎮
撫占七名架閣庫管勾占一名鎮撫所令史二名
占一名萬戶府首領官知事占三名令史四名各占
二名通事占二名譯史占二名知印占二名鎮撫占
三名總官所首領官止設提領案牘名分提領案牘
占三名令史三名占用二名知印占一名彈壓占一

名千戶首領官知官占一名知印彈壓占用一名總
把令史二名內占乙名百戶司吏彈壓等占用一名
十一月壬寅閱三官五軍 丙午以總郎金洹將
軍趙允璠女婦阿哈馬 戊申宴塔納哈伯那於新
殿 己酉遣右承旨趙仁規大將軍邱侯如元上中
書省書曰小國已備兵船九百艘梢工水手一萬五
千名正軍一萬名兵糧以漢石計者十一萬什物机
械不可縷數庶幾盡力以報聖德予昔在朝廷嘗以
勾當行省事聞於宸所未蒙明降竊念諸侯入相古
之道也遼金兩國冊我祖先為開府儀同三司予亦
猥蒙聖眷曾拜特進上柱國以此忖得諸侯而帶上

國宰輔之職古今有例伏望善奏教行省凡大小軍
情公事必與我商量然後施行差發使臣以赴朝廷
亦必使與賤介同往今有行省文字云右咨高麗國
王封云到國王開拆竊審中書省行來文字：謹紙
厚每牒云請照驗謹牒未詳行省文字是何体例予
忖得行省於國王既無疑忌雖咨閱劄付可也若諸
駙馬處有不得已行移文字當用如何体例昔秃犖
哥國王於我父王未嘗直行文字必行下達魯花赤
伏望定奪彼此往還文字格式回示小國連年不登
民皆乏食所以軍糧未嘗盡意收貯除見在兵糧七
萬七百二十七漢石外内外公私俱竭以此大小官

員月俸國用多般賦稅悉皆收取更於中外戶斂粗
備四萬漢石過此難以應副算得正軍一萬石一朔
糧凡三千漢石若夫大軍多至三四萬其闊端亦
且不小又有稍工水手亦不下一萬五千石近得行
省文字云明年春首起程前去若令諸路官員皆來
不待青州軍糧尚為不敷馬料將何支應又聞將以
五六月放洋前去我國每歲五六月煙雨不止小有
西風海道霧暗倘或淹番時日未果放洋其接秋口
糧載船行糧又何能支惟恐軍民一時乏食不以情
實預先申覆後有關誤利害非輕請照驗施行小國
一千軍鎮戍耽羅者在昔東征時係本國五千三百

軍額竊念小邦地褊人稀軍民無別節次更添征討
軍四千七百深恐難以盡數應副願將前項鎮戍一
千軍以補新添征討軍額小國昔有達魯花赤時內
外人戶合用弓箭至於打捕戶所有悉皆收取又于
昔東征時五千三百軍費去衣甲弓箭多有棄矢僅
得收拾頓於府庫不堪支用況今新僉四千六百軍
元無一物何以防身伏望善奏賜以衣甲五千弓五
千弓弦一萬增其氣力小國軍民曾於珍島耽羅日
本三處累有戰功未蒙官賞伏望追錄前功各賜牌
面以勸來効每一千軍總管千戶各一摠把各二花
名抄運在前請以上將軍朴之亮大將軍文壽羅裕

韓希愈趙圭親從將軍鄭守琪大將軍李伸朴保盧
挺儒安社等十人為總管大將軍趙抃將軍安迪材
許洪材金德至徐靖任愷金臣正李廷翼朴益桓等
千人為千戶中郎將柳甫金天祿李臣伯辛奕崔公
節呂文就安興寺淳金福大車公胤李唐公郎將朴
成進高世和中郎將宋仁允郎將玉環桂富金天固
李貞徐光純咸益深等二十人為總把見今所抄小
邦軍額京內二千五百慶尚道二千三百九十全羅
道一千八百八十忠清道一千九百西海道一百九
十交州道一百六十東界四百八十總計一萬人兵
船總九百艘三百艘合用梢工水手一萬八千竊念

小國戶口自來凋弊往歲東征之時大船一百二十
六艘梢工水手猶為未敷況今三百艘何以盡數應
副以此至於農民徵發丁壯凡一萬五千人其不敷
水手三千於何調發有東寧府所管諸城及東京路
沿海州縣多有梢工水手伏望發遣三千人補乏陪
臣中贊金方慶自供職以來凡應奉朝廷詔命一心
盡力又於珍島耽羅日本等三處隨官軍致討累有
捷功宣授虎頭牌獎諭荅勞今復管領正軍一萬水
手一萬五千名徃征日本若不叅領軍事竊恐難以
號令或致違誤方慶年齡雖邁壯心尚在欲更盡力
以答天恩伏請善奏許參元帥府勾當公事兵糧一

年所收總計一萬六千七百三十二石往年收貯并今年所收總計七萬七百二十七石漢石小國僉起正軍一萬水手軍一萬五千交中贄金方慶為頭領管外交密直副使朴球金周鼎等就立萬戶牌面未蒙明降伏望善予往詣朝廷時分乞賜萬戶牌面未蒙明降伏望善奏朴球金周鼎等亦賜虎頭牌以勸來効右承旨趙仁規通曉蒙漢語凡朝廷詔旨上司文字明白傳譯無有違誤予昔侍天廷終始隨從又於公主根柢恪勤朝夕功勞不小亦賜牌面以充王京脫、禾孫兼推考官頭目 庚戌中書省遣會同館使張猷吏部主事也先海牙以絹二萬匹來市米以充兵糧 壬

子王在沙坂宮設八閩會 乙卯金方慶復上書乞退不允 已未命日官自今勿進冬至元正曆 庚

申中贄金方慶密直副朴球金周鼎開東征軍士

丙寅遣中贄金方慶將軍鄭仁卿如元賀正 十二

月癸酉以許珙叅文學事世子保洪子籥知僉訟府事世子貳師韓康為左常侍宋玠李尊庇並知密直司事世子元賓朴球金周鼎並同知密直司事金伯均為密直副使蔡仁平為三司使朱悅為版圖判書

甲申王獵於馬堤山 辛卯趙仁規卸侯還自元

王迎詔於城西門外帝冊王為開府儀同三司中書左丞相行中書省事賜印信又以金方慶為中奉大

夫管領高麗軍都元帥知密直司事朴球金周鼎為
佖勇大將軍左右副都統並賜虎頭金牌佖信趙仁
規為宣武將軍王京斷事官兼脫、禾孫賜金牌佖
信朴之亮等十人為武德將軍管軍千戶賜金牌及
佖趙忭等十人為佖信校尉管軍摠把賜銀牌及佖
金仲成等二十人為忠顯校尉管軍摠把 甲午宴
於新殿

已辛 七年春正月戊戌朔元遣王通等頒新成授時曆乃
許衡郭守敬所撰也詔曰自古有國牧民之君必以
欽天授時為立理之本黃帝堯舜以至三代莫不皆
然為日官者皆世守其業隨時考驗以與天合故曆

法無數更之弊及秦滅先聖之術每置閏於歲終古
法益殫廢矣由漢而下三積年日月法以為推步之
準因仍沿襲以迄於今夫天運流行不息而欲以一
定之法拘之未有久而不差之理差而必改其勢有
不得不然者今命太史院作靈臺制儀象日測月驗
以考度數之真積年日法皆所不取庶几胞合天運
而永終無弊乃者新曆告成賜名曰授時曆自至元
十八年正月一日頒行布告遐邇咸使聞知通等館
於道日晷晝測日影夜察天文求觀我國地圖 壬
寅遣知密直司事韓康於忠清交州道以脩軍馬料
料時慶尚道轉輸別監刻日督飛輓甚急民皆竄匿

高丘縣吏恐後期抵罪自縊 丙午中外城隍名山
大川載祀典者皆加德號 辛亥王如奉恩寺 丁
已開元路東寧府王萬戶也先大王皆遣使來以東
征事也 庚申地震 乙丑行省移牒備新僉軍一
萬五千人糧料及大軍自岳嶺至合浦行程州料
二月己巳宰樞享王於壽康宮以賀宣命 盜入王
宮竊室玉 丁丑鷹坊與內僚享王賜米百斛助其
費 辛巳哈伯那如東界閱女真軍 壬午遣將軍
李仁如元請減軍馬州料 癸未下僧批二百餘人
丙戌遣成都監定時請元本匠以修宮室今已三
歲民不堪苦人以為天示災以警之 庚寅王與公

主章世子府 內僚河汭稱旨取國贖庫金銀細紵
入內帑分賜嬖幸此皆朝覲盤纏科歛者也怨讟交
騰 三月己亥猪板橋人家百餘火 癸卯設消災
道塲于壽康宮 壬子元帥府金方慶萬戶朴球金
周昂帥師向合浦 甲寅元遣征東行書省右丞忻
都茶丘來時我 翼祖亦以朝命自東北面來見王
至于再三益恭益虔王曰卿本土族豈忘本乎今觀
卿舉止足知心之所存矣 乙卯將軍盧英還自元
帝賜駙馬國王宣命征東行中書省印先是王奏曰
臣既尚公主乞改宣命益駙馬二字帝許之 丙辰
王與忻都茶丘議事王南面忻都等東面事大以來

王與使者東西相對今忻都不敢抗禮國人大悅忻
都等往合浦 戊午皇后弘吉刺氏訃至公主遣中
郎將鄭公如元請奔喪 是月林千戶押歸附一萬
五千來 夏四月丙寅朔幸合浦右副承旨鄭可臣
扈從 庚辰王至合浦 癸未大閱於合浦 庚寅
公主如元 五月戊戌忻都茶丘及金方慶朴球金
周昂等以舟師征日本 戊申以久旱禁戴笠持扇
甲寅兩 癸亥行省把總報是月二十六日諸軍
向一歧島忽魯勿塔船軍一百十三人梢水三十六
人遭風失其所之遣郎將柳庇告於元 六月壬申
金方慶等與日本戰斬首三百餘級翼日復戰茶丘
軍敗績范文虎亦以戰艦三千五百艘蠻軍十餘萬
值大風蠻軍皆溺死 癸未王次慶州下僧批僧輩
以綾羅賂左右得職人謂羅禪師綾首座娶妻居室
者居半 丙戌元遣兵三百騎來戊合浦 秋七月
癸卯郎將柳庇還自元帝許耽羅鎮戍軍五十名出
陸耕種 乙巳公主至懿州帝勅還國丁未乃還
己酉王至自合浦 甲寅王與公主宴於壽康宮
元帥金方慶使中郎將朴昱奏諸軍至太宰府累戰
交綏而退蠻船五十艘隨至復向其城因獻所獲甲
冑弓矢鞍馬等物拜昱樞將軍 戊午遣知密直司
事韓康如元賀聖節 八月丁卯王與公主幸慶尚

道 庚午將軍元卿偕也先不花還自元帝勅塔納
於慶尚塔刺赤於全羅也先不花於忠清皆為脫
禾孫 壬申遣別將康世賈行中書省表如元賀聖
節 王與公主次用安驛聞陰竹監務金珥政最特
差為都評議案牘員 丙子次於順安縣慶尚道接
廉使閔萱設宴於新院 丁丑次南州副使朴璘跨
川作茅亭設宴左右皆譽移次安東府使金額結
綵棚張樂以迎判官李捨惜民力務省浮費又拙於
進退內僚皆毀之於是移檜於南州璘於安東 己
卯別將金洪柱自合浦至行宮告東征軍敗元帥等
還至合浦 壬午遣將軍李仁如元 乙酉贊成事

朴恒卒

閏月甲午金方慶等來謁行宮

癸丑地

震

丙辰遣左司議潘阜勞忻都茶丘范文虎

庚

申王與公主至自慶尚道

是月忻都茶丘范文虎

等還元官軍不返者無慮十萬有幾

九月丁亥中

郎將鄭公郎將柳庇還自元帝勅曰王勞於軍事其

勿來朝 癸未中郎將鄭福均還自元帝陞僉議府

為從三品鑄印賜之 冬十月己亥元勅於本國金

州等處置鎮邊萬戶府以印侯為侶勇大將軍鎮邊

萬戶賜虎符及印張舜龍為宣武將軍鎮邊管軍提

管 己未發龍門倉兵糧給領府 十一月癸亥下

教每月初八十五二十三及帝本命日禁宰殺且

放衙 乙丑元召還皇子愛牙赤庚辰王與公主餞
於碧瀾渡 壬午各道按廉使啟東征軍九千九百
六十名稍工水手一萬七千二十九名其生還者一
萬九千三百九十七名 十二月壬辰遣大將軍金
子廷如元賀正 庚戌有旨曰寡人嘗為世子入朝
京師羅裕池允輔金應文鄭仁卿車得圭金富允李
之氏黃龍金義光梁貯周碩金位良等有侍從之勞
昔賊臣林惟茂擁兵江都以拒帝命贊成事致任宋
松禮前樞密院副使洪文系知密直司事宋玠大將
軍金之氏奮義掃蕩功在社稷其並議賞典 是年
自春至冬中外疫厲大興死者甚衆

壬午

八年春正月乙亥元遣闕刺解蒙古不花問耽羅防

守軍糧州糧歲支之數 丁丑王與公主如玄化寺

庚辰上將軍印戾張舜龍等與鷹坊享王於竹坂

宮 是月元罷征東行中書省 二月癸巳忽赤享

王於竹坂宮 元遣蒙漢軍一千四百來戌耽羅

乙未王獵於西郊 戊戌王獵於馬堤山 甲辰燃

燈王如奉恩寺除伎會 乙巳王與公主如興王寺

遂幸壽康宮 乙卯幸王輪寺 三月辛酉朔以判

三司事韓康密直副使金伯均為宰樞所司存 甲

子醮于本闕 己巳王與公主親設消灾道場於新

殿 夏四月京城泥帖佛腹藏里有盲兒其父母俱

疫死兒獨與一白狗居兒執狗尾出於路人施以飯
狗不敢先舐兒言渴狗引至井令飲復引還兒曰我
失父母賴狗以活觀者憐之號為義犬 戊戌元遣
不八思馮元吉來勸兵糧又以東征軍敗遣兵三百
四十戌合浦六十守王京以備不虞 丙午遣同知
察直司事朴球鎮合浦 戊申遣佐郎李行儉如元
進黃漆 己酉以旱徙市禁戴笠持扇 乙卯王與
公主幸本闕設百座法席 丁巳命刑部進改犬
五月庚申教曰予惟否德國步多艱天譴相仍旱災
連歲故宜戒慎修德消變其犯二罪以下悉皆原免
加松嶽及境內名山大川德號祖聖以下列祖加上

尊號道誥國師文昌侯弘儒侯並加封爵文武正雜
凡有職者加次第同正己巳年東歸至婆娑府聞變
還朝侍從輔佐將軍丁伍孚鄭仁卿車得珪李之氏
大府尹金應文郎將金義光為一等功臣大將軍羅
裕池允輔將軍林瓜摠郎李承衍將軍金富允中郎
將黃就郎將聶周碩梁貯正郎白佐明郎將田祐金
位良為二等功臣各賜田民其餘從臣依甲戌年宣
旨子孫錄用別將金心伯劉福和殿前承旨崔仲卿
雖皆常式七品隨從有功許通五品中郎將鄭承五
再從入朝許其子限五品 辛酉王與公主御涼樓
使忽赤鷹坊分朋擊毬勝者賞以銀瓶 壬戌宰樞

享王於新殿 丙寅王獵於金郊 甲戌作大屋於
禁苑使張恭李平養鷹王日必再至二人殺城中雞
狗無筭 癸未王與公主幸積石寺 丁亥遣將軍
朴義等二十五人如元獻鷹 六月己丑王如奉恩
寺 蠻軍搃把沈聰等六人自日本逃來言本明州
人至元十八年六月十八日從葛刺歹萬戶上船至
日本值惡風船敗衆軍十三四萬同栖一山十月初
八日日本軍至我軍飢不能戰皆降日本捧笛工匠
及知田者餘皆殺之 王遣上將軍邱侯郎將柳庇押
聰等送於元 乙巳慮囚 己酉王以公主有疾幸
王輪寺翼日移御神孝寺 癸丑又放囚 丙辰移

上將軍金忻如元 己酉設仁王道場於崇慶堂王
與公主行香 十一月戊午賜崔伯倫等及第 庚
辰元遣禿渾賀仲謙修戰艦 丙戌分遣知密直司
事宋玠於慶尚同知密直司事金伯均於全羅密直
副使禹濬冲於忠清判司宰金之鄉於西海以修戰
艦 十二月己丑遣上將軍俞洪慎如元賀正 乙
未王與公主幸廣明寺訪僧見明 丙申遣上將軍
邱戾如元 東征時有峰城民沒於倭逃至元明州
帝賜名更生授百戶遣還 乙巳譯者鄭之行還自
元帝有旨耽羅鎮戍軍爾國差官管領 壬子慮囚
戊午遣將軍李英柱巡歷州郡察吏賢不肖以聞

罷尚州司錄權萬紀安東司錄任耘珍島縣令趙得珠

未癸

九年春正月丙辰朔日官奏日當食停宴會 丁巳

宴於新殿 庚申世子設宴 癸亥元遣伯刺介來

求耽羅香樟木 壬申宴於新殿王不豫 癸酉設

消災道場於本闕 甲戌宰樞以王疾設法會於廣

明寺 乙亥遣郎將仇千壽如元覘東征緩急至平

灣州見修戰艦乃還 丙子移御中贊金方慶第

二月甲午御壽康宮宰樞享王 庚子賜三番忽赤

畿縣田號放牧所 丁未王放鷹於昇天府 戊申

元遣來千李良茂送楮緡三千錠為修艦費 三月

御叅文學事許珙第 秋七月戊午朔日食 庚申

請散員高世如元請醫巫 辛酉以公主病設法華

道場 甲子移御齊安侯第自是移幸諸私第寺院

或日再移 庚午大府寺不供蠟炬因監察史郭膺

內侍別監康之元於巡馬所 辛巳遣察直副使金

伯鈞如元賀聖節 是月以公主久病禁鷹坊宰牛

八月丙戌朔高世還自元帝曰病非巫所能已醫

則前已遣鍊德新何必他醫惟賜藥物 甲午蠻軍

五人自日本逃來 乙未大將軍邱侯還自元帝以

內僚高宗秀為巡馬千戶仍賜金牌王嬖宗秀表請

故也 丙午王獵於猪灘 九月丁巳朔幸王輪寺

甲子王與公主世子幸吉祥寺設五百聖齋郎
將柳庇還自元帝賜王駙馬國王金印丙寅王與
公主幸福靈寺戊辰王與公主獵於馬堤山幸
壽康宮乙亥王與公主畋於忠清道以洪子翰
為耽羅防護副使遣鷹坊李魯漢等如元獻鷹
遣親從將軍鄭仁鄉于遠潘中郎將鄭福均於東寧
府推刷人物行從都監禁油蜜果又禁遠道守令
來謁丁丑過孔岩次於安南庚辰忠清道按廉
鞠成允享王壬午火獵民有焚禾者償其直冬
十月癸巳王與公主至自忠清道甲午幸將軍張
舜龍家壬寅巡僧見明於內殿丁未遣禿魯花

乙卯朔中郎將柳庇還自元言帝徵江南軍將以八
月東征日本丁巳遣大將軍鄭仁鄉別將鄭良如
遼陽北京推刷流民戊午流民至谷州遂安縣者
移慶新恩縣命加存恤己未中郎將趙城等還自
元帝賜鋪馬劄子五道庚申也先大王遣使來獻
海東青辛酉市馬於懿州壬戌遣部夫使於諸
道癸亥遣中郎將池瑄如元甲子親醮三界於
本闕庚午以僧見明為國尊遣使諸道備兵糧
造軍器修戰艦甲戌遣副知密直司事趙仁規如
元請減軍糧遣使捕鷹於東界辛巳幸王輪寺
癸未王獵於東郊夏四月乙酉命判密直金周

昂閱軍於燃燈都監 戊子遣使牙諸道令修艦夫
匠三分減一歸農 辛卯三番忽赤享三於新殿
元遣塔納阿孛秃刺烹督修戰艦 東界扞城人宋
蕃告於元曰高麗東西界歸於朝廷其田尚為國人
所有其畝可得四萬石請充東征軍糧中書省遣
人徵之王問宰相曰朝廷以宋蕃之言使我益發軍
糧四萬石柰何對曰前者庾璈請賦二十萬石家抽
戶歛僅得四分之一故遣趙仁規請減其數若增四
萬何以辦之宜更遣人告以情實 己亥王與公主
宴塔納阿孛秃刺於新殿 丁未護軍曹允通散員
韋守全還自元言趙仁規到開平奏減兵糧帝曰人

言汝國足備二十萬石若誠不能量力為之可矣
戊申夜有物赤如火大如斗漸廣如席墮順昌宮流
星相繼而隕既而風暴作火起宮中焚蕩無餘 辛
亥推羅州府郡縣事審官 五月戊午宴於涼樓擊
毬 辛酉以旱命宰相言時政得失省二罪以下
己卯王與公主幸福靈寺 鄭仁鄉等還自元言帝
寢東征之議王命罷修艦調兵等事 六月壬辰有
告於王曰兩班百姓輸兵糧已畢宰相及有權勢者
獨否王怒命軍糧別具一具疏其名以聞 癸未趙仁
規還自元帝冊王為征東中書省左丞相依前駙馬
高麗國王命與阿塔海共事 己酉王與公主幸孝

信寺觀畫佛 庚戌以公主生辰宴於新殿王與公
主各賜群臣大鍾爭飲負者罰兩卮 乙卯王與公
主幸妙蓮寺 秋七月戊午置鷹坊都監以金周鼎
為使元卿朴義為副使 命廉承益其愉修玄化寺
又修南溪院王輪寺石塔 塔納還元 己未王與
公主如玄化寺 甲子公主不豫王與公主幸神孝
寺己巳遣郎將南裕廷如元進鷹 辛未遣知密直
司事朴球如元賀聖節 八月癸未召還王弟順安
公棕于仇音島 戊子移御齊安公第 丙申爰牙
赤大王遣使修幣 丁酉王獵於白州 辛丑選衣
冠子弟克世少府宿衛 乙巳元倡優男女來王賜

米

丙午王托供佛遣人除道三角山其實為

遊畋也

己酉宴於大殿元優人呈百戲賜白銀三

斤 九月甲寅召還王子滋公主賜衣物 丙辰幸

王輪寺 己未王與公主飯僧於金字大藏院 庚

申遣護軍朴秀崔元老戊耽羅 親醮於本闕 元

流室刺只於大青島 乙丑耽羅達魯花赤塔刺赤

還自元 辛未王獵於馬堤山 壬申塔刺赤享王

獻二馬來婚以內侍鄭享女妻之 丁戌遣正郎魏

愷郎將金位良如開 招刷人物 冬十月癸未

護軍金富允還自元中旨省各道勸農使 甲申王

與公主獵於南京 十一月辛酉遣大將軍趙抃如

元賀正 十二月辛丑中贄金方交迄退以上洛公
致仕康允紹亦以判三司事致仕

申甲

十年春正月癸丑咸而慰使奉中書戶部牒來推

刷本國人口逃人双城者王亦嘗文愷金位良

推刷甚詳双城人賂以馬位良不受而還王聞而嘉

之賜馬二匹 己未王與公主幸神孝寺 丁卯命

以宰樞可兼萬戶者令鎮東邊 癸酉王與公主自

神孝寺還齊安公第二月癸未又幸神孝寺 戊子

以副知密直司事廉承益為慶尚全羅忠清道都巡

問使 庚寅還宮飯僧于禁中 丙申趙抃賫表還

自元帝受尊號大赦 丁酉王與公主移御齊安公

第 己亥元遣濟州達魯花赤來 辛丑遣知密直

司事宋玠護軍張舜龍如元加上尊號 己酉王與

公主幸吉祥寺齋五百羅漢 三月丁巳幸王輪寺

戊午親醮三界於康安殿 乙丑幸賢聖寺 夏四

月庚寅王及公主世子如元扈從臣僚一千二百餘

人費銀六百三十餘斤紵布二千四百四十餘匹楮

幣一千八百餘錠戊戌 次中和縣元捉鷹使郎哥

歹東寧不達魯花赤等來獻鷹馬 亥次東寧府

賜郎哥歹達魯花赤等紵布有差 癸卯地震 甲

辰帶方公徽等以禿魯花如元 戊申次龍州東京

達魯花赤來迎獻馬 五月庚戌以判密直金周鼎

為鎮邊萬戶 戊午東寧總管洪仲熙來獻馬 己未入東京總管康守衡及東京官僚等獻各獻良馬 庚申郎將高世淵獻元帝許除軍器不遣種田軍 閏月辛巳設消災道場于大內 丙戌獻鷹使四十人如元 辛丑元遣捉鷹使高子等六十來京 六月庚午元遣閣黎帖木兒領兵來戍濟州 丙子監修國史元傳修國史許珙韓康等撰古今錄至十月而成 丁亥同知察直蔡仁平卒 秋七月甲午典法判書金愔卒 己亥遣副知察直司事孔愉如元賀聖節 九月甲申王及公主世子至自元 己亥以金周鼎為文翰學士承旨李尊元為監察大

夫孔愉為典法判書鄭可臣為密直學士崔守璜為右副承旨廉守貞以寵臣承益之兄驟得少府尹知制誥 冬十月丙午親醮於康安殿 丁巳王獵于

平州 甲子賜趙宣烈等及第 乙丑王與公主宴於崇慶堂 十一月戊寅王與公主幸法華寺 辛巳元遣監候張仲良來頒曆 甲申宥二罪以下 癸巳然中道丁夫營竹坂宮大殿 乙未王與公主幸妙蓮寺 己亥王獵於都羅山 二月甲辰遣密直學士鄭可臣如元賀正 丙午王與公主幸妙蓮寺設華嚴法會 甲寅以邱戾為鎮邊萬戶 丁巳以趙抃為左副承旨 戊辰以以子藩僉議贊成

事金周鼎知都會議事

世家卷第二十九



理學